

արուեստագէտներ, որոնք կ'ըսէին, թէ Մուսոլինին խելացի մարդ մըն է...

— Ի՞նչ է պրօֆմիւթիւնը:

— Միութիւնը աղէկ բան մըն է, կարելի է միւզիկ ընել...

— Անցէ՛ք միւս սենեակը:

Միսոլորտը քանի գնում լարում է:

Մարքսիստական գիտութիւնը բթացած արօրի նման սրտերի մէջ վտանգաւոր ակոսներ է բաց անում:

Տիկինը մատերը կոտրտում է: Այս կամ այն պատճառով անբաւական մնացած աշակերտները, իրենց ուղեղի մէջ, մեղադրանքներ ծայր են սրում եւ պատրաստում յարձակողականի:

Թաւ ջութակի ուսուցիչը գլուխը անդադար վեր է բարձրացնում, աստղեր փնտռելու պէս, ու վար անում: Ճանճի նման, վազներեան մի քայլերդ մտել է ուղեղը եւ դուրս չի գալիս: Նկատել է, որ ամէն անգամ, որ այդ մեղեդին գլուխն է մտնում, մի դժբախտութիւն է պատահում: Այսօր էլ եկել է՝ սրիկան՝ ուղեղի մէջ նստել ու քերթում է, քերթում է...

Նախագահի ծայրը քանի գնում խստանում է:

Նա իրեն զգում է զօրեղ: Նա ամբողջ յեղափոխութիւնն է, Սորճրդային բէթիմը, Լեւինը, Հոկտեմբերը, կարմիր Մոսկուան: Ոչընչութիւնն է՝ պատասխանեցէ՛ք:

Մերթ ընդ մերթ, Աթարբէկեանի աչքերը սաւառնում են դահլիճի վրայ, սրտերի մէջ ման գալիս, վարիչին նայում ու յետոյ դըժբախտ Յիսուսի նման, անհետանում:

Վայրկեանները քաշ են տալիս իրենց երկար եւ ծանր շղթաները:

* * *

Իսկ Պետիտարնում Եաղօն ճառում է Համլէթի դէմ: Դերասանների քաղաքացիական քաջութիւնը կոյի աչքի մէջ է թքում, Քերտիլէները վրայ աղբ նետում, ողջ ծիծեռնակի փետուրները մէկ մէկ հանում: Այնքան, որ ինքը սովետարարոյ նախագահը իրեն զգում է անմեղ աղանի, եւ նրան շրջապատող օրիորդները մինչեւ իսկ ամօթխածութեան նշաններ են ցոյց տալիս:

Դուրս է գալիս, որ ամէնքն էլ գող են, ա-

ւաղակ, խաբեբայ, հակայեղափոխական: Մեծ, օլը պատող ժեսթեր, հաստ շրթունքների ծայրին քմծիծաղ եւ մի քիչ փրփուր, հին դերերից ակոսների տակ մնացած ուսուցիչ բռներ, խաւաքարէ սուրեր եւ լայն թագաւորական պատմութեանների տակ երերող նիհար բարոյականութիւն:

— Ես մեղադրում եմ (բազուկը ցցուած, մատը վեր) Լաէրտին, որովհետեւ նա միշտ էլ խանդարել է Սորճրդային շինարարութեան սուրբ գործին: (Աչքերը ոլորում է, ձեռքը տանում կուրծքին): Նա պարզապէս խաբեբայ է եւ սրիկայ: Երբ նա Պոլսից եկաւ, յիշում եմ, Նազարեան փողոցի անկիւնում, ականջիս փրսփրսաց:—

— Ընկերներ, ամէնքը գիտեն, որ Դօն Ժուանը ոսկի ժամացոյց է գողացել...

— Թո՛ղ Շէյլովը պատասխանի մեղադրանքներին: Նա չէ՞ր որ, երբ մի օր նստած խմում էինք...

Վարագոյրը բացուել է քսամենլի մի տեսարանի վրայ:

Պարապի մէջ որդեր են սողսկում: Օձերը վախցած իրենց լեզուները ներս են քաշել, իսկ դէմքերնին չածիլած մարդիկ, աղբի մէջ, ոտաբոսիկ կատակերգութիւն են խաղում:

Չտեսնուած բան՝ նախագահը, բարոյականի դասեր է կարդում եւ լուռ նստած չեկեանները զգուանք են զգում:

Պոռում կանչում են: Մեծ վարագոյրի վրայ նկարուած Արարատը եւ շաքարէ դիւղացիները խենթացած փախչում են, անորոշ բոյսերի մէջ քամիներ են բռնկում, ու Արագածը այնքան ճեղքուել է, որ ահա աղիքները դուրս պիտի նետէ:

Թատրոնի վարիչը, ա՛խ, ինչո՞ւ մարդկային յիշատակը այդքան երկար է՝ մատերի ծայրին դուրս է գալիս, հարբած մարդու նրման պատերին զարնուելով թափառում ու նորից ներս գալիս: Իրեն հիւանդ է զգում: Մի երկու տարի առաջ գրած հակարուշեիկեան յօդուածները աչքերի մէջ սատանայական պար են պարում եւ շունչը կտրում: Ստամոքսը վեր է բարձրանում, սիրտը ճնշում, չնայած, որ երկու օր է գրեթէ ոչինչ չի կրել: Բեմի յետեւ, փոշիների մէջ պառկած բոլոր նիզակները,